

Innspel til endring av Reglement for folkevalde organ og delegering 2021

9 Etske retningslinjer s. 70

FORSLAG: Fyrste kulepkt: stryk «dei verste former for» i fyrste kulepunktet framfor «barnearbeid».

Grunngjeving:

- Vil ikkje fylkeskommunen utelukke investering i selskap som medverkar til eller sjølv er ansvarleg for barnearbeid punktum, ikkje berre «dei verste former for barnearbeid»?

Frå FN sine nettsider:

FN sitt berekraftsmål 4 seier at ei god utdanning er grunnlaget for å forbetre menneskeliv, og slår fast at alle jenter og gutar skal ha lik tilgang til utdanning, og at den skal vere gratis.

Barn utsett for barnearbeid går glipp av skulegang, helse og en trygg framtid. Ein del mister også livet. Dei arbeider ofte under farlege arbeidsforhold med lange arbeidsdagar. Mange blir utnytta og får lite eller ingen betaling for det dei gjer.

I Noreg er barnearbeid i utgangspunktet forbode. Barn som er over 13 år kan likevel ha enkle jobbar, viss det ikkje er til skade eller går ut over skulegangen.

FN sitt berekraftsmål 8,7 handlar blant anna om å avskaffe alle former for barnearbeid innan 2025.

Vestland fylkeskommune har vedtatt at FN sine berekraftsmål skal leggjast til grunn – difor må vi ikkje investere i selskap som driv med barnearbeid, punktum.

FORSLAG: stryk «meir enn 30 prosent av» i setninga «Med kol-selskap er det meint kolgruveselskap og kolkraftproduksjonselskap som har meir enn 30 prosent av inntektene frå kolbasert verksemd.»

Grunngjeving: Utviklingsplanen sitt mål om nullutslepp 2030 betyr at fylket må krevje null-prosent av inntektene frå kolbasert verksemd. Å seie at eit selskap som har 30% av sine inntekter frå kol ikkje er ein kolselskap må avviklast. Kall ein spade for ein spade og eit kolselskap for eit kolselskap, særleg når nesten ein tredjedel av inntekter kan kome frå kolverksemd!

I Reglement for delegering til fylkesrådmannen

1.2. Bygg- og eigedomsforvaltning

Forvaltning, drift og vedlikehald

Tilleggsforslag understreka til siste kulepunktet (s.73):

val av leverandør ved utstyrskjøp og kjøp av tenester med vekt på klima- og miljøvenlege innkjøp.

1.3. Samferdsel og mobilitet

Tilleggsforlag understreka (s.74):

Gjennomføre tilbudsevaluering, tildele og inngå buss-, bybane-, snøggbåt- og ferjekontraktar i dei tilfella kor fylkestinget eller fylkesutvalet har vedteke at konkurranse skal nyttast, jf. yrkestransportlova § 8, under føresetnad av at kontraktsverdi/kostnadsramme ikkje medfører vesentleg kostnadsauke og med målet om nullutslepp.

15. Lov om vern mot forurensningar og om avfall (forurensningsloven) av 13.03.1981 nr. 6 § 81

s.86 Fylkesutvalet har mynde til å gjere enkeltvedtak i saker der fylkeskommunen er forureiningsstyresmakt. Fylkesrådmannen har mynde til å gje uttale i konsesjonssaker.

FORSLAG: Mynde til å gje uttale i konsesjonssaker vert lagt til eit politisk organ.

44. Lov om erverv og utvinning av mineralressurser (mineralloven) av 19.06.2009 nr. 101 § 12

s.105 Fylkesrådmannen har mynde til å gje uttale til Direktoratet for mineralforvaltning når det gjeld prøveuttak.

FORSLAG: Mynde til å gje uttale når det gjeld prøveuttak vert lagt til eit politisk organ.